

Na osnovu člana 47. Zakona o predškolskom odgoju i obrazovanju („Službene novine Kantona Sarajevo“, 26/08) i člana 43. Pravila Predškolske ustanove „Behar“ Upravni odbor na svojoj XLI redovnoj sjednici održanoj dana 22.08.2011. godine d o n o s i

PRAVILNIK O PONAŠANJU RODITELJA/STARATELJA DJECE

Član 1.

Ovim Pravilnikom utvrđuju se pravila ponašanja roditelja/staratelja djece, polaznika Predškolske ustanove „Behar“ (u daljem tekstu: Ustanova), njihova prava, obaveze i odgovornosti u vezi sa odgojno-obrazovnim procesom.

Član 2.

Poštivanjem i primjenom ovog Pravilnika osigurava se:

- uzajamno poštivanje, saradnja i razumijevanje sa ciljem ostvarivanja obostranih usaglašenih odgojnih utjecaja
- povećanje ugleda i uspjeha u odgojno-obrazovnom radu Ustanove
- odgoj djeteta u duhu moralnih vrijednosti i razvijanju ljubavi prema dobrom
- ispunjavanje moralnih vrлина tačnosti, spremnosti na pomoć, srdačnosti i optimizma
- dostojanstvenost i poštivanje drugih
- razvijanje vjerskog humanizma i smisla za usklađivanje ličnih i društvenih interesa
- spremnost na čuvanje ugleda i interesa Ustanove

Član 3.

Roditelji/staratelji su dužni pridržavati se ovog Pravilnika, kako u okviru Ustanove tako i van nje, tokom pohađanja Ustanove, kao i nakon prestanka pohađanja.

I PONAŠANJE RODITELJA/STARATELJA DJECE

A) Prava roditelja/staratelja djece

Član 4.

Roditelj/staratelj djeteta ima pravo da:

1. prati ponašanje, napredak i razvoj djeteta te realizaciju planiranih aktivnosti Ustanove odnosno da se redovno informira o tome
2. sarađuje sa odgajateljima i drugim stručnim osobljem Ustanove
3. se obrati direktoru ukoliko ima primjedbi na odgojno-obrazovni rad sa djecom

4. u Ustanovu dolazi prikladno odjeven, u skladu sa moralnim vrijednostima i propisima oblačenja, čime neće narušavati ugled Ustanove i negativno utjecati na razvoj moralnih vrijednosti vlastitog djeteta i druge djece u Ustanovi
5. redovno prisustvuje roditeljskim sastancima
6. pruža pomoć Ustanovi u ostvarivanju odgojno-obrazovnog rada
7. doprinosi ostvarivanju planiranih zadataka Ustanove kao i poboljšanju uvjeta života i rada u njoj

Član 5.

Roditelji/staratelji su dužni u krugu Ustanove paziti na svoje dostojanstvo i ne rušiti ugled Ustanove. Ugled ustanove narušava:

- neprikladno oblačenje (uska, providna, kratka i poderana odjeća)
- upotreba etički neprihvatljivog govora, u usmenoj i pismenoj formi
- prikazivanje i objavljivanje fotografija i slika koje nisu u skladu sa moralnim standardima i standardima Ustanove
- konzumiranje alkoholnih pića i narkotičkih sredstava.

B) Obaveze roditelja/staratelja djece

Član 6.

Roditelj je obavezan da:

1. se pridržava stava o prikladnom odijevanju jer će mu u suprotnom biti onemogućen ulaz u Ustanovu
2. u Ustanovi tokom odgojno-obrazovnog rada unutar i izvan Ustanove ne unosi, odnosno ne koristi alkohol, narkotička i/ili bilo kakva druga sredstva sa psihoaktivnim dejstvom
3. ne puši u prostorijama i krugu Ustanove
4. samovoljno ne rješava nesporazume ili sukobe bilo kakvog karaktera bez poštovanja procedure propisane ovim Pravilnikom
5. ne hoda kroz Ustanovu, ne ulazi u radne sobe, odnosno igraonice, spavaonice, trpezariju i prostorije gdje borave djeca kao i druge službene prostorije, bez prethodne najave stručnom osoblju (odgajateljici, medicinskoj sestri, asistentici) Ustanove i odobrenja direktora
6. se ponaša primjereno prema djeci, zaposlenicima Ustanove i/ili trećim licima, a u suprotnom će biti preduzete Zakonom propisane mjere

7. komunicira sa stručnim osobljem Ustanove i konsultuje se o ponašanju, napretku i razvojnim potrebama djeteta
8. poštuje radno vrijeme Ustanove, a u iznimnom slučaju kašnjenja blagovremeno obavještava odgajateljicu, u suprotnom stručno i tehničko osoblje Ustanove nije obavezno ostati sa djetetom nakon isteka radnog vremena
9. prilikom dolaska i odlaska djeteta roditelji samostalno raspremaju i spremaju djecu, te dijete lično predaju stručnom osoblju Ustanove bez prekidanja i ometanja odgojno-obrazovnog rada
10. dovodi zdravo dijete koje neće narušavati zdravlje ostale djece, a u slučaju da se dijete razboli, tokom boravka u Ustanovi, na zahtjev medicinske sestre i stručnog osoblja Ustanove doći po dijete. Svaki oblik doziranja antibiotika nije dozvoljen u Ustanovi.

C) Međusobni odnosi roditelja

Član 7.

Odnosi među roditeljima su zasnovani na međusobnoj saradnji, uvažavanju i poštovanju ličnosti i pristojnom ophođenju.

Međusobne nesporazume i sukobe koji su u vezi sa odgojno-obrazovnim procesom u Ustanovi i izvan nje rješavaju u saradnji sa odgajateljicom. Ukoliko se nastali nesporazum ne može riješiti u saradnji sa odgajateljicom, u izuzetnim slučajevima u rješavanje nesporazuma ili sukoba uključuje se direktor.

D) Odnos prema stručnom kadru i zaposlenicima Ustanove

Član 8.

Roditelj svojim odnosom čuva ugled i dostojanstvo profesije stručnog radnika i ni jednim svojim postupkom je ne ruši. Odnos roditelja prema odgajateljicama je zasnovan na principima uvažavanja i očuvanja njihove ličnosti i ugleda.

Na isti način roditelj se odnosi i prema drugim zaposlenicima Ustanove.

Član 9.

Postupanje, u slučaju verbalnog ili fizičkog nasilja roditelja prema stručnom kadru, zaposlenicima Ustanove i trećim licima, vrši se prema odredbama i procedurama definiranim Protokolom o postupanju Ustanove u situacijama nasilja.

E) Odnos prema djeci Ustanove

Član 10.

Roditelji se prema svoj djeci Ustanove ponašaju uvažavajući ih kao ličnosti. Svojim odnosom roditelji ne krše ni jedno od prava djeteta.

II ZAVRŠNE ODREDBE

Član 11.

Za sprovođenje Pravilnika ovlašten je direktor Ustanove.

Član 12.

U slučaju povrede odredbi ovog Pravilnika vrši se sankcionisanje na jedan od sljedećih načina:

- raskidom važećeg ugovora
- nesklapanjem Ugovora za sljedeću školsku godinu.

Član 13.

Ovaj Pravilnik stupa na snagu 22.08.2011. godine.

Pravilnik je objavljen na oglasnoj ploči PU „Behar“.

Predsjednik Upravnog odbora PU „Behar“

dipl.oec. Sedik Dervišević